

**Aningaasarsianit akileraarutit pillugit Inatsisartut inatsisaata allanngortinneqarneranik
Inatsisartut inatsisaat nr. 7, 6. juni 2016-imeersoq**

(Soraarnerussutisiaqarnissamut aaqqissuussinernut nunani allaniittunut akiliutit akileraaruser-
neqartarnerat)

§ 1

Aningaasarsianit akileraarutit pillugit Inatsisartut inatsisaanni nr. 12, 2. november 2006-i-
meersumi, Inatsisartut inatsisaatigut nr. 37, 9. december 2015-imeersukkut kingullermik al-
lanngortinneqartumi makku allannguutigittinneqarput:

1. § 34-mi ilanngunneqarpoq:

”17) aningaasat sillimmasiisup toqoreerneratigut pisartagaqartitsiniarluni sillimmasiissutinit,
matumani ilaallutik timikkut innarluuteqalernermit taartsiat ataatsikkoortumik inuunermut
sillimmasiissutinit aamma ajunaarmissamut sillimmasiissutinit tunniunneqartut, tunniunneqar-
nerat sillimmasersimanerup naaffissaatut isumaqatigiissutigineqarsimasoq nallertinnagu pip-
pat, atorunnaarfissaatut isumaqatigiissutigineqartoq sillimmasersimasup 80-inik ukioqalerner-
rata kingorna ullormit policep atuuffianit siullermit kingusinnerunngippat.

18) innarluuteqalernermit taarsiissutit ingerlaavartumik tunniunneqartartut, sillimmasiinermit
akiliutit ilanngaatigineqarsinnaanerata imaluunniit sulisitsisup akileeqaataassutaasa ilanngunne-
qartussaannnginnerat Danmarkimi, Savalimmiuni imaluunniit Kalaallit Nunaanni aningaasarsi-
at akileraaruteqaataasussat naatsorsorneranni tamakkiisumik ilaannakuusumilluunniit atuut-
sinneqarsimannngitsoq sillimmasiisup uppersarsarsinnaappagu.

19) aningaasat navianartumik nappaateqalernissamut sillimmasiinermit ataatsikkut tunniunne-
qartut, sillimmasiinermit akiliutit ilanngaatigineqarsinnaanerata imaluunniit sulisitsisup akilee-
qataassutaasa ilanngunneqartussaannnginnerat Danmarkimi, Savalimmiuni imaluunniit Kalaal-
lit Nunaanni aningaasarsiat akileraaruteqaataasussat naatsorsorneranni tamakkiisumik ilaan-
nakuusumilluunniit atuutsinneqarsimannngitsoq sillimmasiisup uppersarsarsinnaappagu.”

2. § 39, imm. 1, nr. 1, ima oqaasertaqarpoq:

”1) Aaqqissuussinert soraarnerussutisiaqarnissamut aningaasaateqarfimmi Kalaallit Nunaan-
ni angerlarsimaffeqartumi, sillimmasiisarnerlu pillugu inatsimmi pineqartunut ilaasumi pilers-
sinneqarsimassapput. Aaqqissuussinerritaaq inuunermut soraarnerussutisiaqarnissamullu sil-
limmasiisarfimmi Kalaallit Nunaanni angerlarsimaffeqartumi, Finanstilsynimit akuersissum-
mik peqarluni sillimmasiisarnermik ingerlatsisumi pilersinneqarsinnaapput.”

3. § 39, imm. 1, nr. 4, ima oqaasertaqarpoq:

”4) Aappaasumut inooqatigisamulluunniit pisartagaritinneqartartut aappaasumut toqukkut qi-
magaasumut, aappaasumut avissimasamut inooqatigisamulluunniit pisassanngortinneqarsin-
naapput. Inooqatigisaq tassaavoq:

a) Inuk aqqatigut taasaq, toqusup pisassanngortitsinerup nalaani najugaqatigisimasaa, ima-
luunniit

b) Inuk toqusup:

1. katissimasinnaasaralua imaluunniit nalunaarsugaasumik inooqatigisimasinnaasaralua aamma
2. testamentiliornermigut, aappaasup pinngitsoorani kingornussassaasa minnerpaamik angeq-qataannik kingornussisussanngortissimasaa. Testamenti toqussaq qaammatinik pingasunik sioqqullugu pilersinneqarsimassaaq, aamma
3. toqussaq sioqqullugu ukiuni kingullerni marlunni najugaqatigisimasaa. Imaluunniit siusinnerusukkut piffissami atasuinnarmi sivikinnerpaamik ukiuni marlunni najugaqatigisimasaa, najugaqatigiinneq paaqqinniffimmut, matumani aamma utoqqaat najugaqarfiannut inissinneqarneq pissutigiinnarlugu kipitinneqarsimappat, imaluunniit

c) Inuk toqusup piffissami toqqummini najugaqatigisimasaa toqusulluunniit siusinnerusukkut najugaqatigisimasaa, najugaqatigiinneq paaqqinniffimmut, matumani aamma utoqqaat najugaqarfiannut inissinneqarneq pissutigiinnarlugu kipitinneqarsimappat, aamma toqusumit naartusoq, qitornaqartoq qitornaqarsimasorluunniit.”

4. § 39, imm. 1-imi nr. 7 atorunnaarsinneqarpoq.

5. § 39, imm. 2, ima oqaasertaqarpoq:

”Imm. 2. Inuunermut sillimmasiineq pineqarpat sillimmasiisoq sillimmasigaassaaq sillimmasiissummillu piginnittuussalluni. Sillimmasiineq sulisuusup taassumalu sulisitsisuata isumaqatigiissuteqarnerat tunngavigalugu pilersinneqarsimappat, aammalu akiliutit akileeqataassutillu sulisitsisumit akilerneqartarpata, taava sulisuusoq sillimmasigaassaaq sillimmasiissummillu piginnittuussalluni.”

6. § 39, imm. 3-mi allassimasoq ”6.000 kr.-it” allanngortinneqarpoq ima: ”8.000 kr.-it”

7. § 39-p kingornagut ilanngunneqarpoq:

”§ 39 a. Aningaasarsiat akileraaruteqaataasussat naatsorsorneranni ilanngunneqassanngillat soraarnerussutisiaqarnissamut imaluunniit inuunermut sillimmasiinermik aaqqissuussinermut ingerlaavartumik, toqunikkut unittussamik tunniussiviusartumit tunniunneqartut, aaqqissuussinermut akiliutit ilanngaatigineqarsinnaanerit imaluunniit sulisitsisup akileeqataassutaasa ilanngunneqartussaanninnerat Danmarkimi, Savalimmiuni imaluunniit Kalaallit Nunaanni aningaasarsiat akileraaruteqaataasussat naatsorsorneranni tamakkiisumik ilaannakuusumilluunniit atuutsinneqarsimanngitsoq soraarnerussutisiaqarsinnaatitaasup sillimmasiisulluunniit uppersarsinnaappagu.

Imm. 2. Imm. 1-imi aalajangersagaq taamaallaat atuutissaaq piumasagaatit makku eqqut-sinneqarpata:

1) Aaqqissuussineq soraarnerussutisiaqarnissamut aningaasaateqarfimmi, sillimmasiisarneq pillugu inatsimmi pineqartunut ilaasumi imaluunniit inuunermut soraarnerussutisiaqarnissa-

mullu sillimmasiisarfirmi, Finanstilsynimit akuersissummik peqarluni sillimmasiisarnermik ingerlatsisumi pilersinneqarsimassaaq.

2) Utoqqalineq pissutigalugu soraarnerussutisiat siusinnerpaamik tunniunneqartalersinnaapput 60-inik ukioqalernermi, taakkunannga ukiukinnerunissaq akileraaruseriffimmit akuerineqarsimanngippat.

3) Utoqqalineq pissutigalugu soraarnerussutisiani inuuneq naallugu pisartagassanik, naammaataasunillu inuuneq naallugu pisartagassaanngitsunik aningaasartaqartuni, utoqqalineq pissutigalugu soraarnerussutisiat ilaannit naammaataasunit tunniunneqartut, utoqqalineq pissutigalugu soraarnerussutisiat ilaannit inuuneq naallugu pisartagassanit tunniunneqartut 50 procentiinit amerlanerussanngillat.

4) Aappaasumut inooqatigisamulluunniit pisartagaritinneqartartut aappaasumut toqukkut qimagaasumut, aappaasumut avissimasamut inooqatigisamulluunniit pisassanngortinneqarsinnaapput. Inooqatigisaq tassaavoq:

a) Inuk aqqatigut taasaq, toqusup pisassanngortitsinerup nalaani najugaqatigisimasaa, imaluunniit

b) Inuk toqusup:

1. katissimasinnaasaralua imaluunniit nalunaarsugaasumik inooqatigisimasinnaasaralua aamma

2. testamentiliornermigut, aappaasup pinngitsoorani kingornussassaasa minnerpaamik angeqqataannik kingornussisussanngortissimasaa. Testamenti toqussaq qaammatinik pingasunik sioqqullugu pilersinneqarsimassaaq, aamma

3. toqussaq sioqqullugu ukiuni kingullerni marlunni najugaqatigisimasaa. Imaluunniit siusinnerusukkut piffissami atasinnarmi sivikinnerpaamik ukiuni marlunni najugaqatigisimasaa, najugaqatigiinneq paaqqinniffimmut, matumani aamma utoqqaat najugaqarfiannut inissinneqarneq pissutigiinnarlugu kipitinneqarsimappat, imaluunniit

c) Inuk toqusup piffissami toqquimmini najugaqatigisimasaa toqusulluunniit siusinnerusukkut najugaqatigisimasaa, najugaqatigiinneq paaqqinniffimmut, matumani aamma utoqqaat najugaqarfiannut inissinneqarneq pissutigiinnarlugu kipitinneqarsimappat, aamma toqusumit naartusoq, qitornaqartoq qitornaqarsimasorluunniit.

5) Aappaasumut toqukkut qimagaasumut, aappaasumut avissimasamut inooqatigisamulluunniit pisartagaritinneqartartut sivikinnerpaamik ukiuni qulini tunniunneqartassapput.

6) Toqusulli qitornaanut, matumani aamma qitornasaanut toqukkut qimagaasunut pisartagaritinneqartartut qitornat 24-nik ukioqalernerat tikillugu taamaallaat tunniunneqartarsinnaapput.

Imm. 3. Inuunermut sillimmasiineq pineqarpat sillimmasiisoq sillimmasigaassaaq sillimmasiissummillu piginnittuussalluni. Sillimmasiineq sulisuusup taassumalu sulisitsisuata isumaqatigiissuteqarnerat tunngavigalugu pilersinneqarsimappat, aammalu akiliutit akileeqataassutillu sulisitsisumit akilerneqartarpata, taava sulisuusoq sillimmasigaassaaq sillimmasiissummillu piginnittuussalluni.

Imm. 4. Soraarnerussutisiaqarnissamut aaqqissuussinermut akiliinerit aningaasat akileraarusigaasut akileraarusigaanngitsullu atorlugit pisimappata, aningaasat tunniunneqartut ilaat inuup aningaasat akileraarusigaasut atorlugit akiliuteqarfigineqarsimasutut uppersorsorneranni ilanngunneqassanngillat. Tunniunneqartut ilaat aningaasat akileraarusigaasut atorlugit akiliuteqarfigineqarsimasut iluanaarutininik, ernianik assigisaannilluunniit taperneqassanngillat.

Imm. 5. Ingerlaavartumik, toqunikkut unittussamik tunniunneqartartut ukiumut 5.000 kr.-it qaangersimangippatigit, soraarnerussutisiaqarnissamut aaqqissuussinernit imm. 1-imi 2-milu taaneqartunit, atorfinitsitaanermut atatillugu pilersinneqarsimasunit tunniunneqartussat ataasiaannartumik tunniunneqarsinnaapput.

Imm. 6. Aningaasat soraarnerussutisiaqarnissamut aaqqissuussinernit imm. 1-imi 2-milu taaneqartunit, soraarnerussutisiaqarnissamut aningaasaateqarfinni imaluunniit inuunermut soraarnerussutisiaqarnissamullu sillimmasiisarfinni Kalaallit Nunaanni angerlarsimaffeqartuni pilersinneqarsimasunit, aammalu atorfinitsitaanermut atatillugu pilersinneqarsimasunit ukiuni marlunni ingerlaavartumik tunniunneqartartussat amerlaqataat ataasiaannartumik tunniunneqarsinnaapput.

Imm. 7. Tunniunneqartussat ilaat imm. 1 aamma 2 naapertorlugit akileraarusigassaangitsut pillugit maleruagassat erseqqinnerusut Naalakkersuisunit aalajangersarneqarsinnaapput.”

8. 39 a-p kingornagut ilanngunneqarpoq:

”§ 39 b. Inuit aningaasarsiamik akileraaruteqaataasussat naatsorsorneranni soraarnerussutisiaqarnissamut aaqqissuussinernit tunniunneqartunit ilanngussisussaangitsut, tak. § 39 a, imm. 1 aamma 2, ernianut aningaasartuutit, tak. § 15, imm. 1, aningaasarsianit akileraaruteqaataasussanit tamakkiisumik ilanngaatisinnaanngikkunikkit, ilanngaatisap atunngitsuukkap akileraarutitigit nalingata tunniunneqarnissaa akileraaruseriffimmut qinnutigisinnaavaat.

Imm. 2. Imm. 1 naapertorlugu tunniussinermi piumasaqaatit makku eqquutsinneqarsimasapput:

- 1) ernianut aningaasartuutit illuummik Kalaallit Nunaanniittumik pisinermut ingerlatsinermulluunniit tunngasuussapput,
- 2) taarsigassarsiat illuummik taassuminnga qularnaveeqqusigaassapput,
- 3) inuup illuut najugaqarfigissavaa, aamma
- 4) ilanngaataappaasumut inooqatigisamut § 4 d, imm. 2 naapertorlugu nuunneqarsinnaassanngillat.

Imm. 3. Tunniunneqartussat annerpaamik amerlaqatigisinnaavaat aningaasat soraarnerussutisiaqarnissamut aaqqissuussinernit pineqartunit tunniunneqartut akileraartussaataasup aningaasarsiaanik akileraaruteqaataasussaangitsunik allanik ilasat, ernianut ilanngaatinut atunngitsuukkanut sanilliullugit naatsorsorneqartut.

Imm. 4. Tunniussinerit qaammammut kingumoortumik pissapput. Ukiumut aningaasarsiorfiusumut, ernianut ilanngaatit attuumassuteqarfigisaannut inaarummik naatsorsuinerup nassi-

unneqarnera ilutigalugu, kingusinnerpaamillu ukiumi, ukiup aningaasarsiorfiup tulliani ulloq 1. september, akileraaruseriffiup tunniunneqartut imm. 1-imi taaneqartut naatsorsorsussavai nikingassutaajunnartullu tunniutissallugit akiligassiissutigissallugilluunniit.”

9. § 40-p kingornagut ilanngunneqarpoq:

”§ 40 a. Sillimmasiissutit sillimmaserneqartoq toqugaluarpalluunniit piffissami aalajangersimasumi tunniussaqrartussat (tunniunneqartartussat qulakkiikkat), aammali § 39-mi, § 39 a-mi § 40-miluunniit piunasaqaatinik eqquutsitsisut, qulakkeerinnermut akiliut sillimmasiissuummut tamarmiusumut akiliutip 10 pct.-ianit anginerunnigippat soraarnerussutisiaqarnissamat aqqissuussinernut ingerlaavartumik, toqunikkut unittussamik tunniussiviusartussanut maleruagassat malillugit suliarineqassapput.

Imm. 2. Taamaattorli sillimmaserneqartup sillimmasiisarneq pillugu inatsisip paasineqartarneratuut “qaniginerpaasaasa” imaluunniit sillimmaserneqartumut aappaasup imaluunniit aappaasup avissimasap, sillimmaserneqartup kingornussisussaasa, qitornassaasa imaluunniit qitornassaasa kingornussisussaasa imaluunniit inuup aqqatigut taaneqartup, pisassanngortitsinerup nalaani sillimmaserneqartumik najugaqateqartup taassumaluunniit kingornussisussaasa saniatigut allanik policemi ilanngussisoqarsimannginnissaa piunasaqaataavoq.”

10. § 41 ima oqaasertaqarpoq:

”§ 41. Aqqissuussinernut §§-ini 39-mi 40-milu taaneqartunut akileeqataassutit akiliutillu pillugit ilanngaait piffissamat akiliiffiusumut tunngatinneqassapput, soorluttaq ilanngaait ukiup aningaasarsiorfiup ilaani, akileeqataassutit akiliutillu tunngassuteqarfigisaanni akissarsiat tamarmiusut 20 procentiinit amerlanerusinnaanngitsut. Aappariinnut imaluunniit nalunaarsugaasumik inooqatigiinnut tunngatillugu ilanngaait, taakku akissarsiaasa tamarmiusut 20 procentiinit amerlanerusinnaanngillat. Namminersorlutik inuussutissarsiuteqartunut tunngatillugu naatsorsuinnermut tunngavissaq, inuup taakkunatut atorfeqarluni akissarsiassaasut missingersukkat tunngavigalugit angissusilerneqassaaq.

Imm. 2. Sulisuusup aningaasarsiaasa akileraaruteqaataasussat naatsorsorneranni ilanngunneqassanngillat aningaasat, sulisitsisup aqqissuussinernut §§-ini 39-mi 40-milu taaneqartunut akilersimasai.

Imm. 3. Soraarnerussutisiaqarnissamat aqqissuussinernut ingerlaavartumik tunniussiviusartumut, tak. § 39, imaluunniit naafferartumik akilersuilluni sillimmasiinnermut, tak. § 40, ukiumi aningaasarsiorfiusumi akiliutaasimasut akissarsiat tamarmiusut 20 procentiinit amerlanerusimappata, tak. imm. 2, aningaasat akiliivallaarutaasut utertinneqarnissaat akileraaruseriffiup akuerisinnaavaa, pissutsit immikkut ittut taamaaliornissaq pissutissaqartippassuk.”

11. § 43-mi *imm. 3-miit 5-imut* atorunnaarsinneqarput.

12. § 44 ima oqaasertaqarpoq:

”§ 44. Inuunermut sillimmasiinernit aamma soraarnerussutisiaqarnissamut aaqqissuussinernit iluanaarutit aningaasarsiat akileraaruteqaataasussat naatsorsorneranni ilanngunneqassapput.

Imm. 2. Imm. 1 makkununga atuutinngilaq:

- 1) aaqqissuussinernut § 39, imm. 1-imi, § 39 a, imm. 1-imi 2-milu, aamma § 40, imm. 1-imi pineqartunut kiisalu aaqqissuussinernut allanut, soraarnerussutisianik akileraarusiisarneq pillugu inatsimmi § 53 A-mi pineqartunut,
- 2) soraarnerussutisiaqarnissamut aaqqissuussinernut danskit aningaaseriviini, soraarnerussutisiaqarnissamut aningaasaateqarfiini aamma inuunermut soraarnerussutisiaqarnissamullu sillimmasiisarfiini pilersinneqarsimasunut, soraarnerussutisiaqarnissamut aaqqissuussinernik ilaallu ilanngullugit akileraarusiisarneq pillugu inatsimmi kapitali 1-imi pineqartunut kiisalu Lønmodtagernes Dyrtdidsfondimi uninngasuutinut ernialiussanut,
- 3) naafferartumik akilersuilluni sillimmasiinernut aamma soraarnerussutisiaqarnissaq siunertaralugu naafferartumik akilersuilluni ileqqaakkanut, sillimmasiinernut akit nikerarneri najoqqutaralugit iluarsineqartartunut, ileqqaakkanut akit nikerarneri najoqqutaralugit iluarsineqartartunut, ataatsikkut akiliilluni sillimmasiinernut soraarnerussutisiaqarnissamullu ileqqaakkanut ataatsikkut tunniunneqartussanut, soraarnerussutisiaqarnissamut aaqqissuussinernik ilaallu ilanngullugit akileraarusiisarneq pillugu inatsimmi kapitali 1-imi pineqartunut, aamma
- 4) inuunermut sillimmasiinernut, sillimmaserineqartoq sillimmasersimanerup naaffissaatut isumaqatigiissutigineqarsimasoq nallertinnagu toqussagaluarpat innarluuteqalissagaluarpal-luunniit aatsaat tunniunneqarsinnaasunut, atorunnaarfissaatut isumaqatigiissutigineqartoq sillimmasersimasup 80-inik ukioqalernerata kingorna ullormit policep atuuffianit siullermit kingusinnerunngippat.

Imm. 3. Aningaasarsianit akileraartussaataavoq piginnittoq imaluunniit piginnittup toquneratigut sillimmasiissummit tunineqarsinnaataasoq. Iluanaarutit sillimmasiinerup, ukiup aningaasarsiorfiup naanerani aningaasanngorlugu nalingata ukiup ingerlanerani tunniunneqarsimasunik taperneqartup aammalu sillimmasiinerup, ukiup aningaasarsiorfiup aallartinnerani aningaasanngorlugu nalingata ukiup ingerlanerani akiliutaasimasunik taperneqartup assigiinngissutaattut naatsorsorneqassapput.

Imm. 4. Sillimmasiinermit amigartoorutit, § 30, imm. 1-imi maleruagassat naapertorlugit taamaallaat ukiuni aningaasarsiorfiusuni tulliuuttuni tallimani sillimmasiinerup taassuma iluanaarutitaanit ilanngaatigineqarsinnaapput.

Imm. 5. Soraarnerussutisiaqarnissamut aaqqissuussinernit il.il. imm. 1-imi taaneqartunit, tak. imm. 2 aamma 3, ingerlaavartumik iluanaarutit akileraaruserneqarnerannut matussutissat tunniunneqartut, aningaasarsiat akileraaruteqaataasussat naatsorsorneranni ilanngunneqassangillat. Aningaasat akileraarummut matussutissat kingusinnerpaamik tunniunneqassapput ukiumi, ukiup iluanaarutininik pisassaqaalerfiup tulliani.

Imm. 6. Soraarnerussutisiaqarnissamut aaqqissuussinernit inuunermullu sillimmasiinernit iluanaarutit nalunaarutigineqartarnerat aammalu iluanaarutit akileraarutitaasa akilerneqartar-

nerat pillugit maleruagassat erseqqinnerusut Naalakkersuisunit aalajangersarneqarsinnaap-
put.”

13. § 45 ima oqaasertaqarpoq:

”§ 45. Soraarnerussutisiaqarnissamut isumaqatigiisummik sillimmasiinermilluunniit, soraar-
nerussutisiaqarnissamut aningaasaateqarfiit aamma inuunermut soraarnerussutisiaqarnissa-
mullu sillimmasiisarfiit Kalaallit Nunaanni angerlarsimaffeqartut akornanni nuussineq tunni-
ussinertut akiliinertulluunniit suliarineqassanngilaq, nuussineq:

- 1) soraarnerussutisiaqarnissamut aamma inuunermut sillimmasiineramik aqqissuussinert
ingerlaavartumik, toqunikkut unittussamik tunniussiviusartut akornanni pippat, tak. § 39,
- 2) soraarnerussutisiaqarnissamut aamma inuunermut sillimmasiineramik aqqissuussinernit
ingerlaavartumik, toqunikkut unittussamik tunniussiviusartunit § 39 a-mi pineqartuniit soraar-
nerussutisiaqarnissamut aamma inuunermut sillimmasiineramik aqqissuussinernut ingerlaa-
vartumik, toqunikkut unittussamik tunniussiviusartunut § 39 a-mi pineqartunut pippat,
- 3) soraarnerussutisiaqarnissaq siunertaralugu naafferartumik akilersuilluni sillimmasiinerit
akornanni pippat, tak. § 40, aamma
- 4) soraarnerussutisiaqarnissaq siunertaralugu naafferartumik akilersuilluni sillimmasiinermit,
tak. § 40, soraarnerussutisiaqarnissamut aamma inuunermut sillimmasiineritut § 39-mi pine-
qartunut pippat.

Imm. 2. Soraarnerussutisiaqarnissamut isumaqatigiisummik sillimmasiinermilluunniit,
soraarnerussutisiaqarnissamut aningaasaateqarfiit aamma inuunermut
soraarussutisiaqarnissamullu sillimmasiisarfiit Kalaallit Nunaata avataani
angerlarsimaffeqartut akornanni nuussineq tunniussinertut akiliinertulluunniit
suliarineqassanngilaq, nuussineq:

- 1) soraarnerussutisiaqarnissamut aamma inuunermut sillimmasiineramik aqqissuussinert
ingerlaavartumik, toqunikkut unittussamik tunniussiviusartut akornanni pippat, tak. § 39
aamma
- 2) soraarnerussutisiaqarnissamut aamma inuunermut sillimmasiineramik aqqissuussinernit
ingerlaavartumik, toqunikkut unittussamik tunniussiviusartunit § 39 a-mi pineqartuniit soraar-
nerussutisiaqarnissamut aamma inuunermut sillimmasiineramik aqqissuussinernut ingerlaa-
vartumik, toqunikkut unittussamik tunniussiviusartunut § 39 a-mi pineqartunut pippat.

Imm. 3. Aningaasanut nuunneqartunut tunngatillugu akileraartussaataitanerup akitsuummil-
luunniit akiliisussaataitanerup nuussineq sioqqullugu atuutilersimanninnissaa maleruagassat
imm. 1-imiittut atorneqarnissaanni piumasaqaataavoq.”

14. § 46 ima oqaasertaqarpoq:

”§ 46. Soraarnerussutisiaqarnissamut aqqissuussinernit imaluunniit inuunermut sillimmasii-
nermit piffissaq suli nallinngitsoq atorunnaarsinneqartumit tunniunneqartunit akitsuut 55 pro-
centiusoq akilerneqassaaq. Aqqissuussinernut akiliutit ilanngaatigineqarsinnaanerit ima-

luunniit sulisitsisup akileeqataassutaasa ilanngunneqartussaanninnerat aningaasarsiat akileraruteqaataasussat naatsorsorneranni tamakkiisumik ilaannakuusumilluunniit atuutsinneqarsimanngitsoq, tak. § 39 a, imm. 1, uppersarsarneqarpat akitsuut 10 procentiusoq akilerneqasaaq. Soraarnerussutisiaqarnissamut aqqissuussinermut akiliinerit aningaasat akilerarusigaa-sut akilerarusigaanngitsullu atorlugit pisimappata, aningaasat tunniunneqartut ilaat inuup aningaasat akilerarusigaasut atorlugit akiliuteqarfigineqarsimasutut uppersarsinnaasaanut naapertuuttut 10 procentimik akitsuuserneqassapput, tak. § 39 a, imm. 4.

Imm. 2. Piffissaq suli nallinngitsoq atorunnaarsitsinertut isigineqassapput tunniussineq allatulluunniit pigisassanngortitsilluni qularnaveeqqusiusilluniluunniit tunniussineq kiisalu ili-uutsit il.il., aqqissuussinerup soraarnerussutisiaqarnissamut aqqissuussinerunrata siunertaa-nik eqquutsitsiunnaarnermik kinguneqartut. Akitsuusigassaapput aningaasat, aqqissuussineq tunniussinerup, nuussinerup iliuuseqarnerulluunniit nalaani atorunnaarsinneqartuuppat tunni-unneqarsimasinnaagaluartut, imaluunniit fripolicep assigisaataluunniit aningaasanngorlugu nalinga. Iliuutsit taaneqartut soraarnerussutisiaqarnissamut aningaasaateqarfimmut imaluun-niit inuunermut soraarnerussutisiaqarnissamulluunniit sillimmasiisarfimmut piaartumik nalu-naarutigineqarnissaat akitsuummik akiliisussaataasup pisussaaffigaa.

Imm. 3. Ataatsimut pigisanik agguaanikkut imaluunniit ataatsimut pigisaqarnermik atorun-naarsitsinikkut aappaasumut pisassanngortitsinerimi imm. 2-mi maleruagassat atorneqassan-ngillat. Aappaasoq pisassanngortitsinerup kingorna pigisarilikkaminut nammineerluni akile-raartussaataalissaaq akitsuummilluunniit akiliisussaataalissalluni.

Imm. 4. Aqqissuussineq soraarnerussutisianik akilerarusiisarneq pillugu inatsimmi kapita-li 1-imi pineqartunut ilaappat imm. 1 aamma 2 atuutissanngillat.”

15. § 47, imm. 2-mi oqaaseqatigiit kingulliit peerneqarput.

16. § 67-p kingornagut ilanngunneqarpoq:

”§ 67 a. Inuit aningaasarsiamik akileraruteqaataasussat naatsorsorneranni soraarnerussutisia-qarnissamut aqqissuussinernit tunniunneqartunik ilanngussisussaannngitsut, tak. § 39 a, imm. 1 aamma 2, inummut ilanngaata § 67, imm. 1-imi taaneqartoq tamakkiisumik ilanngaatigisin-naanngikkunikku, ilanngaataatissap atunngitsuukkap akileraarutitigut nalingata tunniunneqarnis-saa akileraaruseriffimmut qinnutigisinnaavaat. Uppersarsaatissat pisariaqartut qinnuteqaatinut ilanngullugit nassiunneqassapput. Tunniunneqartussat annerpaamik amerlaqatigisinnaavaat aningaasat soraarnerussutisiaqarnissamut aqqissuussinernit pineqartunit tunniunneqartut aki-leraartussaataasup aningaasarsiaanik akileraruteqaataasussaannngitsunik allanik ilasat, inum-mut ilanngaammut atunngitsuukkamut sanilliullugit naatsorsorneqartut.

Imm. 2. Imm. 1 naapertorlugu tunniussineq qaammammut kingumoortumik pissaaq.

Imm. 3. Ukiumut aningaasarsiorfusumut, inummut ilanngaataip attuumassuteqarfigisaanut inaarummik naatsorsuinerup nassiunneqarnera ilutigalugu, kingusinnerpaamillu ukiumi, ukiup aningaasarsiorfiup tulliani ulloq 1. september, akileraaruseriffiup tunniunneqartut imm. 1-imi

taaneqartut naatsorsorsussavai nikingassutaajunnartullu tunniutissallugit akiligassiissutigissal-
lugilluunniit.”

§ 2

Inatsisartut inatsisaat 1. januar 2017-imi atortuulissaaq.

Imm. 2. Piffissami 2017-imit 2021-mut, soraarnerussutisiaqarnissamut, taakku § 39 a, imm. 1 aamma 2-mut piumasaqaatinut taaneqartunut naapertuuttuni, akiliinermi Namminersorlutik Oqartussat tapiissuteqartassapput.

Imm. 3. Tapiissutit, tiguisunut akileraaruteqaataasussat, soraarnerussutisiaqarnissamut aamma inuunermut sillimmasiissutinut aaqqiissutinut, soraarnerussutisiaqarnissamut aningaasaateqarfimmi imaluunniit inuunermut aamma soraarnerussutisiaqarnissamut sillimmasiisarfimmi, Kalaallit Nunaanni angerlarsimaffeqanngitsumi, akileraarusigaanngitsumik akilerneqarsimasunit, ukiuni 2017-imit 2019-imut 5 procentpointiussapput kiisalu ukiuni 2020 aamma 2021-mi 3 procentpointiussallutik. Piffissami 2017-2019-imut tapiissut qaammammut inummut ataatsimut annerpaamik 420 kr.-ussaaq. Piffissamilu 2020-2021-mut qaammammut annerpaamik 250 kr.-ussalluni.

Imm. 4. Tapiissutit inunnt, 31. december 2016-imi tamakkiisumik akileraartussaataasunut kiisalu § 39 imaluunniit § 41, imm. 2, naapertorlugu 2016-imi soraarnerussutisiaqarnissamut aningaasaateqarfimmut imaluunniit inuunermut aamma soraarnerussutisiaqarnermut sillimmasiisarfimmut Kalaallit Nunaanni angerlarsimaffeqanngitsumut akiliinermi, ilanngaatigineqarsinnaasunik imaluunniit sulisitsisut akileeqataassutaanik ilanngunneqartussaanninnerannik ilaasimasunut tunniunneqassapput.

Imm. 5. Tapisinnaatitaaneq atorunnaassaaq inuk Kalaallit Nunaanni tamakkiisumik akileraartussaajunnaarpat.

Imm. 6. Namminersorlutik Oqartussani, taakkulu suliffeqarfiini ataaniittuni kiisalu kommunini atorfilinnut, tapiissutit atorfillip akissarsineranut atatillugu akilerneqartassapput.

Imm. 7. Inuk tapiissutinik pisinnaatitaasoq, kisiannili imm. 6-imi ilaanngitsoq, ukiup tulliani piffissami 1. juli-mit 30. september-ip tungaanut, akileraartarnermut ingerlatsivimmut elektroniskimik qinnuteqarsinnaavoq, ukiup siuliani akiliinermut tapiissutinik piumalluni. Akileraartarnermut ingerlatsivik tapiissutit tunniunneqarnissaannut sukumiinerusumik piumasaqaateqarsinnaavoq, matuma ataani uppersaatit piumasaqarsinnaalluni.

Namminersorlutik Oqartussat, ulloq 6. juni 2016



Kim Kielsen